

YR ATODLENNI

ATODLEN 2

Yr Wybodaeth sy'n Ofynnol ar gyfer Cais am Drwydded

RHAN 2

Yr wybodaeth sydd i'w darparu gan y ceisydd
am y perfformiadau neu'r gweithgareddau

8. Enw, teitl a chyfeiriad y ceisydd.
9. Enw a natur y perfformiadau neu weithgareddau y gofynnir am drwydded mewn cysylltiad â hwy (er enghraifft, rhai theatraidd, ffilmio, chwaraeon, modelu), a disgrifiad o'r hyn y byddai'n ofynnol i'r plentyn ei wneud o ganlyniad i gymryd rhan yn y perfformiad neu'r gweithgareddau.
10. Y man lle y cynhelir y gweithgareddau, y perfformiadau a'r ymarferion y gofynnir am drwydded ar eu cyfer, gan gynnwys unrhyw gyfnodau yn y fan a'r lle.
11. Dyddiadau gweithgareddau, perfformiadau neu ymarferion y gofynnir am y drwydded ar eu cyfer, neu nifer y diwrnodau, a'r cyfnod pryd, y gofynnir i'r plentyn gael cymryd rhan mewn gweithgareddau, perfformiadau neu ymarferion.
12. Parhad neu hyd amser cyfan disgwylidig y gweithgareddau neu berfformiadau (gan gynnwys unrhyw ymarferion) y gofynnir am drwydded mewn cysylltiad â hwy a bras amcan o hyd ymddangosiad y plentyn mewn perfformiadau neu weithgareddau o'r fath.
13. Faint o waith nos (os oes gwaith nos) y gwneir cais am gymeradwyaeth ar ei gyfer oddi wrth yr awdurdod trwyddedu o dan reoliad 30, gan ddatgan—
 - (a) bras amcan o nifer y diwrnodau;
 - (b) bras amcan o'i hyd ar bob diwrnod; ac
 - (c) y rheswm y mae'n rhaid i'r perfformiad fod ar ffurf gwaith nos.
14. Y symiau sydd i'w hennill gan y plentyn drwy gymryd rhan yn y perfformiadau neu'r gweithgareddau y gofynnir am y drwydded mewn cysylltiad â hwy, ac enw, cyfeiriad a disgrifiad y person y mae'r symiau i'w talu iddo, os na fyddant yn cael eu talu i'r plentyn o dan sylw.
15. Pan ofynnir am drwydded mewn cysylltiad â pherfformiad, y trefniadau arfaethedig ar gyfer unrhyw ymarferion cyn y perfformiad cyntaf y gofynnir am y drwydded ar ei gyfer, gan ddatgan mewn cysylltiad â phob ymarfer—
 - (a) y dyddiad;
 - (b) y man lle y mae i'w gynnal; a
 - (c) bras amcan o'r amser a'r hyd.
16. Y diwrnodau neu'r hanner diwrnodau y gofynnir am ganiatâd i'r plentyn fod yn absennol o'r ysgol arnynt i'w alluogi i gymryd rhan mewn perfformiadau (gan gynnwys ymarferion) neu weithgareddau y gofynnir am y drwydded ar eu cyfer.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

17. Y trefniadau arfaethedig (os oes rhai) o dan reoliad 13 ar gyfer addysg y plentyn yn ystod y cyfnod y gofynnir am y drwydded ar ei gyfer, gan ddatgan—

(a) pan fo'r addysg i'w darparu gan ysgol, enw a chyfeiriad yr ysgol sydd i'w mynychu; neu

(b) pan fo'r addysg i'w darparu ac eithrio drwy gyfrwng ysgol—

(i) enw, cyfeiriad a chymhwyster yr athro preifat arfaethedig neu'r athrawes breifat arfaethedig;

(ii) y man lle y caiff y plentyn ei addysgu;

(iii) y cwrs astudio arfaethedig;

(iv) nifer y plant eraill sydd i'w haddysgu gan yr athro preifat neu'r athrawes breifat yr un pryd â'r plentyn y mae'r cais yn cael ei wneud mewn cysylltiad ag ef, a rhyw ac oedran pob plentyn; a

(v) a yw'r plentyn i gael y cyfanswm o ran addysg sy'n unol â rheoliad 15(3)(d).

18. Enw a chyfeiriad yr hebryngwr arfaethedig, neu pan na fo'n ofynnol cael unrhyw hebryngwr o'r fath yn rhinwedd rheoliad 17(2), enw a chyfeiriad y rhiant neu'r athro neu'r athrawes a fydd â gofal dros y plentyn.

19. Enw'r awdurdod lleol neu, yn yr Alban, yr awdurdod addysg (os oes un), a gymeradwyodd gynt benodiad yr hebryngwr at ddibenion trwydded.

20. Nifer y plant sydd i fod yng ngofal yr hebryngwr yn ystod yr amser y bydd â gofal dros y plentyn y gwneir y cais mewn cysylltiad ag ef, a rhyw ac oedran pob plentyn.

21. Cyfeiriad unrhyw lety lle y bydd y plentyn yn byw os yw'n wahanol i'r man lle y byddai'r plentyn yn byw fel arfer, nifer y plant eraill, a manylion am yr hebryngwr (os oes un), a fydd yn byw yn yr un llety.

22. Bras amcan o hyd yr amser y bydd y plentyn yn ei dreulio yn teithio, a'r trefniadau (os oes rhai) ar gyfer cludiant—

(a) i'r man lle y cynhelir y perfformiad, yr ymarfer neu'r gweithgaredd; a

(b) o'r man lle y cynhelir y perfformiad, yr ymarfer neu'r gweithgaredd.

23. Enw unrhyw awdurdod lleol arall neu, yn yr Alban, unrhyw awdurdod addysg arall y mae cais wedi ei wneud iddo i blentyn arall gymryd rhan mewn perfformiadau neu weithgareddau y mae'r cais yn ymwneud ag ef (os nad yw'n hysbys adeg gwneud y cais, mae i'w ddarparu pan fo'n hysbys).